


癩疹心法

武 9
95



門中武
95
卷

明殷方叔撰

痧疹心法

聿修堂藏版

痧疹心法序

大醫者意也。可以心得，不可以言傳。因理入微，與雖心有常衡，而法無定則。凡陰陽之燥濕五行之生剋，隨時變化。故治病必須神解，意中巧合意外，自然不為法縛矣。廼知參微博奧，師心不若會意之妙耳。余先君子酷愛書籍，未見者怒如調飢，而醫書尤切。保赤更珍，每書諺語于壁云：司命養命，活人害人。此不省懼，恐墮沉淪。



競競乎醫之不易。老而彌篤也。壬申歲痧毒時行。余適簡篋中。展閱是書。益信昔賢心法。以意繪之者。良深矣。即壽梓以公同志。

清和月望殷志伊題于壺隱樓

祕傳疹子心法

明 秀州殷仲春方叔甫輯

男志伊元衡甫校

夫麻亦胎毒也。麻毒發于六腑。六腑屬陽。無形故不漿。上沒下出。痘毒發于五臟。五臟屬陰。有形。故作膿也。麻感于時氣。傷寒初發。熱之時。呵打噴嚏。頭眩眼癢。咳嗽鼻涕。三四日發出。形大如沸。瘡色赤者。是也。其色紫者。熱之極。出緩沒

遲者重也。發熱之初，即用表出。已出未愈，只用清涼，不可過于溫補。此治疹之大法也。

論見形順逆法

抑論麻疹屬腑，腑屬陽，是以發于皮膚。週日而收。若腹先出，而後發手足者，順。若先發四肢，而後發於腹者，逆。其熱四、五日出者，輕。七、八日出者，重。出緩沒遲者，重。熱甚，必妄言如見鬼狀，當發出即解。

論已出未出不可見風寒

抑論麻疹未見之先，不可遇風寒。或正出之時，其間風邪一阻，即斂一半在內。其熱不退，熱反加重，以致內不出，內不出而反斂其形，或青紫點，即當疏通皮毛，自然解散。此六脉必洪數，或脾脉沉而微有力者，有之。若見氣虛、血弱者，即時收斂，使毒內攻，逆于五臟，閉目、喘、鼻塞、舌青、唇黑、搖頭、抽手，如此者，不治。

熱證

初起潮熱 升麻葛根湯加紫蘇蔥頭一箇。

已出潮熱 升麻葛根湯加黃芩地骨皮。

已沒潮熱 升麻葛根湯加黃連地骨皮。

煩燥症

未出煩燥 升麻葛根湯加紫蘇蔥頭一箇。

已出煩燥 黃連解毒白虎湯。

已沒煩燥 黃連解毒加麥門地骨皮。

譫語症

未出譫語 升麻葛根湯調辰砂益元散。

已出譫語 黃連解毒湯調辰砂益元散。

已沒譫語 燈心湯調辰砂益元散。

咳嗽證

未出咳嗽 升麻葛根湯加麻黃。

已出咳嗽 涼膈散加桔梗地骨皮。

已沒咳嗽 涼膈散加地骨皮五味子。

泄瀉證

未出泄瀉 升麻葛根湯加五苓散去桂朮

已出泄瀉 黃連解毒湯合四苓散白朮諒用

已沒泄瀉 黃連解毒湯合導赤散

大便血證

未出便血 升麻葛根加犀角地黄湯

已出便血 黃連解毒合犀角地黄湯

已沒便血 黃連解毒合犀角地黄湯

小便燈

加黃芩小蘗湯滑石海金沙之類皆可選用加入溺血燕窠泥

未出溺瀝 導赤散加木通

已出溺血 黃連解毒加木通

已沒溺如泔 四苓散加木通車前

裸瘡

咽痛 甘桔湯加元參山荳根

腹痛 山楂前胡湯

聲啞 訶子磨冷水服

夾斑

小柴胡加當歸生地合白虎湯

夾丹

涼膈散加當歸生地

口疳

玉露霜治之

凡小兒齒根腐爛先以葦菜根苦茶葉濃煎水翎毛刷腐肉洗見鮮紅乃以擦牙散玉露霜敷之日敷三次方妙若爛至喉中者用藥吹之雖滿口牙疳爛落唇破穿者敷藥皆愈忌魚鮮油膩一切毒物凡口疳鼻梁紅點者不治太陽額

上有者尤為不治唇白糜爛成疳疳雖成黃白

膿水出可治其色似乾醬其肉臭爛一日爛一

分二日爛一寸名為走馬牙疳世無治理

仙方將桐油煎熟搽患處即愈秘之

一方用水仙花根搗爛包貼足心即愈

疹痢

黃連解毒湯加芍藥枳殼香連丸猶妙

疹瘡

大連喬飲加鼠粘子防風金銀花胡麻散更妙。
死證

凡麻疹已沒。渾身壯熱。日夜不退。昏昏沉沉。恍恍惚惚。言語無章。飲食不進。舌上白胎。尋衣摸床。精神漸散。已上諸證。切莫輕治。總有丹丸天命而已。人未如之何也。

麻有十形于外

一麻不出者。其瘡發熱煩燥口渴。有四五日出

者。有七八日出者。其脉緊數。關紋青紅。壯熱手足冷如。四五六八九日不出。壅喘氣急。妄言一出而解。如不出者。驚痰而歿。

一麻即時收斂。其麻已出。豈知斂拴。葉拴字未詳。姑仍原本。

皮膚之內。而作發熱氣急急。速治之。遲則毒攻五臟。而成風痰壅喘。小水閉塞。其臍突出。一二寸高。按之即軟。舉之隨手而起。如不食目閉聲啞。不可救矣。

一麻後腹脹不食其瘡身熱口渴乃母愛兒餒以美味以致脾胃虧損而作膨脹氣急肚熱足冷不治則人瘦骨熱如泄瀉皆不治

一麻後泄痢其證多因飲食傷脾而作若身熱

口渴小便水

案便水二字其一二恐剩文

短赤謂之陽如瀉不

止身溫不渴不煩小水自利治之難也痢因傷食或積聚不能運化而作赤白無休肛門深黑出而不知誠難治也

一麻後牙疳此乃餘毒之熱熱在心脾速當治之如還不速治則腮穿牙落反加發熱痰喘治之難也

一麻得發熱不退其瘡身熱不退煩燥口渴二便閉澀腹脹氣急乃餘熱未盡內傷於脾則成疳疾亦為不治之瘡也

一麻後遍身生瘡因受風寒餘毒未解致令渾身生成瘡疥痛無休不治則年年依舊而發

一麻後生腫毒此餘毒也。為血滯于皮膚不能
運散以致毒生于手足者必損筋骨也。

一麻後潮熱依時如潮水之應有汗者有不食
者三關隱而不明二脈浮沉而濡此非實熱乃
血虛之熱日久氣血虧而成疔癩也慎之。

一麻後面目浮腫此因飲食生冷麪食有傷脾胃
必面黃目腫發熱口渴腹脹作痛小水不利
如加嘔吐作瀉治之難也或徧身手足浮腫氣

喘難治也。

已前十證要分五臟根源分其虛實而施治療
之功無不効也。

麻證治法

按麻出自六腑先動陽分而後歸于陰經故標
屬陰而本屬陽發熱時火與熱分煎熬故血多
虛耗首尾當滋陰養血為主不可一毫動氣從
緩治如人參半夏白朮茯苓乾燥之劑升麻升

動陽氣上衝皆不可用也。若內多實熱，須用四物湯加芩連防風，連喬天花粉以涼其中而退其陽也。極妙。

一發熱之初，增寒壯熱，鼻流清涕，身體疼痛，嘔吐泄瀉，瘡候未明，便服蘇葛湯加砂仁陳皮，腹痛亦用之。服後厚蓋表汗，自頭至足得汗方止，漸減衣被，則皮膚通暢，腠理開豁，則麻易出矣。總然未出，亦不可再汗，致亡陽而變他證也。宜

常以芫荽湯或蔥白湯飲之，其麻自出而無發搖瘡也。豫夫曰：此法穩當，若表後未出，是謂出遲，乃血氣虛弱而致也。藟藟藟藟芎芎歸歸芍芍藥藥湯湯大劑大劑

防風防風之類之類 桔梗 陳皮

一發之時，既表之後，戒風寒冷水瓜菓之類。一或犯之，則皮毛閉塞，毒氣難泄，則遂紫黑而灰如極渴，只宜芫荽湯蔥白湯以止其渴，須使毛竅中常微汗潤澤也。切忌梅子李子魚酒蜂

蜜糖之類。恐引疳蟲上行。豫夫曰。此條最是。

一麻既出之後。時如色紅紫。乾燥暗晦。乃火盛。

毒熾。急用六一散解之。或四物湯。去地黃。加紅。

花黃芩。木通。治之。

一麻既出三日已過。不沒。乃內有虛熱。用四物。

湯治之。兼有失血之證。將犀角解之。豫夫曰。此。

上二條最好。

一麻有燒熱不退。飲食不進者。瘡並屬血虛。血。

熱。宜四物湯。按瘡照常法。加減用之。渴加麥門。

冬天花粉。嗽加梨汁。半鐘喘亦可加。再喘加菱。

膏根。山楂根。貝母。杏仁。泥去白。陳皮。切忌人參。

半夏。白朮之類。倘或誤用。為害不小。戒之。戒之。

益麻屬陽。致血虛耗。滋養陰血。其熱自除。所以。

養陰退陽之義。譬諸賊寇。所過殘滅。擾亂中原。

盜賊既退。為人上者。撫綏黎民。安靜地方。其患。

自退。為醫者。其尚鑒諸。

一麻後起如牙根腐爛鼻血橫行竝爲失血之
瘡急宜四物湯加茵陳木通生犀角之類以利
小便使熱下行外用疳藥搽之如疳瘡白色一
日爛一分二日爛一寸名爲走馬牙疳世無可
治之理豫夫曰用甘露飲後不効者死

一麻泄瀉須分寒熱新瀉熱瀉宜用四苓散加
木通寒瀉者百中無一如有傷食傷冷不得已
以理中湯一服而止久瀉者豆蔻丸或五倍子

鶯栗殼燒灰調下澁之極是

一麻疹既出大忌猪肉魚酒鷄子之類外防風
寒水濕如或不慎遂遺終身之患出是瘡者父
母可不慎之

一麻出之時雖飲食不進但得麻色淡紅潤澤
不爲害也蓋熱毒未解內蘊實熱而不退飲食
全然不進者此乃胃氣未平只消平胃散一帖
穩當如用神麩麥芽者恐非也

一麻既出見一日而沒者乃為風寒所衝麻毒
 內攻若或不治癢爛而歿用消毒散一帖熨服
 遂安如麻見三日退後若被風寒之瘡可用消
 毒飲亦効

一孕婦出麻當以四物湯加白朮條芩蘇葉為
 主則胎決無危而麻洪易沒如胎氣攻衝用芎
 根艾葉煎湯換柳磨水服之更以四物湯大進
 豫夫曰白朮黃芩乃安胎之聖也又云白朮佐

黃芩有安胎之妙以黃芩為君而清熱白朮佐
 芩而輔脾也用之殊為的當

一麻始出類傷寒頭疼咳嗽熱盛面赤頰紅一
 二日即出者輕必須解表忌見風寒葷腥一或
 犯之遂生痰嗽變成驚搐不可治矣如起吐瀉
 交作者順乾霍亂者逆欲出不出者危立至
 欲救其危須用麻黃散子

初起

升麻葛根湯 參蘇飲 防風通聖散 五苓

散加減 桔梗湯 涼膈散 五虎湯去茶葉石

人參白虎湯治斑

黃連解毒湯治麻痘實熱內加甘草

犀角地黄湯治諸失血

人參敗毒湯保元湯治色白不出者

涼膈散解熱毒涼心肺清臟腑

涼膈散

大黃 芒硝 甘草 梔子 黃芩 薄荷

連翹加竹葉十片

大連翹飲

連翹 防風 鼠粘 當歸 黃芩 梔子

車前 蟬蛻 木通 柴胡 赤芍藥 滑石

甘草 姜水

導赤散

生地 木通 甘草加竹葉石膏

桔梗湯

桔梗 枳殼 瓜蒌 甘草 水煎

人參白虎湯

人參 五分 石膏 四錢 知母 七錢 甘草 三分 糯加

米一撮。加竹葉門冬名竹葉石膏湯亦治暑天熱症

人參湯 治麻不出

人參 紫蘇 乾葛 甘草 等分 麻黃 少許 赤

苓 姜皮

甘草

芎歸芍藥湯 治熱甚不潤澤麻不出者

當歸 川芎 白芍 甘草 防風 陳皮

羌活

麻喘

菱薺根 山楂根 土蘆根 水煎

麻痘痢

陳皮 枳殼 木香 黃連 枳實 粟殼

訶子 荳蔻 沒藥 玄胡索

痧疹心法

十四

世修堂

秘傳疹子心法

秘府中所貯乾隆御書樓無板書一百十七部
 係于戊午年崎魯鎮臺採進乃雖彼土人間不
 易窺者余恭申請鈔寫醫書六部而是書附醫
 藏目錄末其標證揭方判生斷歿於疹科書最
 為簡當遂不敢秘校訂開鐫以應世用云
 寬政庚申余月丹波元簡書于聿修堂

